

瓊州府志卷之四十三

雜志二書目

經目

學易疑義二卷

朱彝尊經義考作三卷

明鍾芳撰見黃泰

泉廣東通志

易說

明鄭廷鵠撰見阮元廣東通志

廣易通二卷

明許子偉撰見經義考

春秋集要十二卷

明鍾芳撰

欽定四庫全書提要是書以集要為名故文殊簡畧中

間如謂春王正月為建子謂桓公三年書有年

非紀異謂襄公二十八年書衛侯衎非侯其改

瓊州府志

卷四十三

雜志 書目

過謂昭公元年書敗狄於鹵非譏毀車崇卒陳

烈序稱其擴前人之所未發

春秋說

明鄭廷鵠撰見郭棐廣東通志

禮說

明鄭廷鵠撰見郭通志

射禮儀節一卷

明邱濬撰見黃泰泉通志

家禮儀節八卷

黃通志作四卷

明邱濬撰

欽定四庫全書提要是書取世傳朱子家禮而損益以

當時之制每章之末又附以餘註及考證如所

稱文公家禮五卷不聞有圖今刻本載於卷首

而不言作者多不合於本書通禮曰立祠堂而

圖以為家廟一也深衣緇布冠梁包武而屈其



末圖則安梁於武之上二也本文黑縷而圖下注用白三也喪禮陳設衣有深衣等物而不用儀禮質殺二冒圖乃陳之四也本文大斂無布絞之數而圖有之五也大斂無棺中結絞之文而圖下注則結於棺中六也尺式圖下載天台潘時舉說末識歲月日嘉定癸酉距文公沒時慶元庚申十有三年矣豈可謂文公作哉或曰信如此言圖固非朱子作何以祠堂章下有主式見喪禮及前圖八字愚按南廡舊本於立祠堂下註圖外止云主式見喪禮治葬章並無見前圖云云其辨證頗明

家禮存羊儀節

明曾應唯撰

阮通志應唯嘗

構儀方堂講修身齊家大義

四禮集重訓

明王時元撰見郝玉麟廣東通志

戴記講意

明邱承箕撰見阮通志

四書管窺四卷

明廖紀撰見明史藝文志

學思子中庸孟子衍義

明林士元撰見經義考

小學廣義

明鍾芳撰見獻徵錄

童訓一卷

明廖紀撰

經籍目畧二卷

明王佐撰見黃通志

讀經錄讀經附錄

明林士元撰見經義考

讀書鈔

明李應和撰見郝通志

編正信都芳樂義七卷 明薛遠撰見黃通志

琴瑟譜三卷 明汪浩然撰

欽定四庫全書提要第一卷言琴瑟之制以及圖說指法下二卷則各分諸調其自序謂與其子合奏之蓋以專門世業故言之特詳也

八音摘要二卷 明汪浩然撰

欽定四庫全書提要是書凡二十五目上卷自歷代樂議旋相為宮議以下為十五目下卷分別八音及舞圖歌譜為十目

史目

世史正綱三十二卷 明邱濬撰 王士禎池北

瓊州府志

卷四十三

雜志

書目

三

偶談稱其議論嚴正 胡應麟史學佔筆稱春

秋之後有朱氏而綱目之後有邱氏陶輔桑榆漫志稱義嚴理到括盡幽隱深得麟經之旨

欽定四庫全書提要是書本明方孝孺統釋之意專明正統起秦始皇帝二十六年迄明洪武元年以著世變事始之所出於各條之下隨事附論

瓊海方輿志二卷 元蔡微撰見黃通志

瓊臺外紀五卷 明王佐撰見黃通志

珠崖錄三卷 明王佐撰見黃通志

瓊臺志二十卷 明唐胄撰 胄自序畧云志史

事也例以史而事必盡乎郡如地切倭岐而述

海道黎情之詳急討禦而具平亂兵防之備隱
逸附以耆舊不遺善而且以誘善罪放別於流
寓不混惡且因以懲惡田賦及於雜需額役以
書民隱紀異及於災異禎祥以顯天心首表以
括邦綱殿襍以蓋鄉曲非徒例史以備事而且
欲倣史以寓義

崖州志畧四卷 明鍾芳撰見黃通志

瓊志藁 明鄭廷鵠撰見郭通志

江閩湖嶺都臺志 明唐胄撰見阮通志

滄州志四卷 明廖紀撰見明史藝文志

重慶府志 明馮謙修見阮通志

瓊州府志

卷四十三

雜志 書目

四

柳城志 明吳誠修郭通志誠初授柳城教諭修

柳城志

都臺志 明吳誠修郭通志誠遷贛州教授修都

臺志

漳州志 明陳大章修見楊宗秉瓊山縣志

白鹿洞志十九卷 明鄭廷鵠修 廷鵠自序志

成凡十篇計十有九卷志山川者什二志書院
者什八馬錫跋其事具書院之事其要闡明道
教之統也

續古今紀要十卷 明鍾芳撰見黃通志

鹽法考畧一卷錢法纂要一卷 明邱濬撰阮通

志案二書卽大學衍義補中之兩篇然既專刻以傳不得不別爲著錄

本草格式 明邱濬撰見瓊臺會藁

醫史 明邱敦撰黃通志敦酷嗜素問著醫史其運氣表曰運有五金水火土是也氣有六燥暑風濕寒燠是也其三因說曰病有三因因於天因於地因於人豈但內因外因不內外因而已言皆有補於世

淳安政事稿 明海瑞撰瑞擢淳安知縣自令丞簿尉師儒鄉老吏胥皆有參評名曰淳安政事稿

瓊州府志

卷四十三

雜志 書目

五

庚申錄 明王佐撰見黃通志

諫垣錄 明許子偉撰見郝通志

方輿校註 明林茂森撰邱濬稱其博洽

子目

大學衍義補一百六十卷 明邱濬撰濬自序畧

大學一書聖人立之以爲教人君本之以爲治士子業之以爲學而用以輔君建安真德秀取經傳子史之言以填實之各因其言以推廣其義名曰大學衍義其所衍者止於格物致知誠意正心修身齊家竊仿真氏所衍之義而於齊家之下又補以治國平天下之要其爲目凡十

有二曰正朝廷曰正百官曰固邦本曰制國用
曰明禮樂曰秩祭祀曰敷教化曰備規制曰慎
刑憲曰嚴武備曰馭夷狄曰成功化先其本而
後末出平內以及外而終歸於聖神功化之極
前書本之身家以達之天下此編又將以致夫
治平之要以收夫格致誠正修齊之功補其畧
以成其全故題其書曰大學衍義補云

欽定四庫全書提要濬以宋真德秀大學衍義止於格
致誠正修齊而闕治國平天下之事乃採經傳
子史輯成是書附以已見分爲十有二目於孝
宗初奏上之有詔嘉獎命錄副本付書坊刊行

瓊州府志

卷四三

雜志 書目

六

至神宗復命梓行親爲製序蓋甚重其書也夫
治平之道其理雖具於修齊其事則各有制置
真氏原本實屬闕遺濬博綜旁搜以補所未備
兼資體用實足以羽翼而行且濬學本淹通又
習知舊典故所條列元元本本貫串古今亦復
具有根柢

朱子學的二卷 明邱濬撰

欽定四庫全書提要是編上卷分下學持敬窮理精蘊
須看鞭策進德道在天德章齋等十篇下卷分
上達古者此學仁禮爲治紀綱聖人前輩斯文
道統等十篇蔡衍焜序曰上編自下學以至天

德由事而達理而終之以韋齋所以紀失子之
生平言行猶論語之鄉黨也下編自上達以至
斯文由理而散事而終之以道統所以紀濂洛
關閩之學之所由來猶論語之有堯曰也

儒林一覽 明林茂森撰見阮通志

孔子世家顏子列傳討論 明林士元撰見郭通
志

皇極經世圖續 明鍾芳撰阮通志鍾筠溪家藏

集第二十二卷所推起宋神宗迄明嘉靖今附
於文集中云

發冢論 明邱敦撰黃通志敦時見李廣輩將復

瓊州府志

卷四三

雜志 書目

七

成化故事作此以攻宦者蓋取莊子詩禮發冢
之義設為甲乙辯詰之辭敦既卒其友蔣冕為
之序其書以行於世

養生舉要五卷 明鍾芳撰見黃通志

原教編二卷 明王佐撰見黃通志

敦仁編 明許子偉撰見郝通志

瓊州三祠錄 明唐胄撰胄自序畧仰止祠在郡

學祀王公義方以下四十八人主於崇德以勸士

先賢祠在道右祀路公博德以下十九人主於

報功以慰民皆舉於有司者也景賢祠在郡西

北祀蘇公軾邱公濬二人主於著述以憲後奉

於朝廷者也

元祐黨人碑考一卷 明海瑞撰

欽定四庫全書提要案元祐黨人碑載於李心傳道命錄馬純陶朱新錄者互有異同茲則專以道命錄為主其闕者則以他書補之故所錄人事較他書為多如曾任執政之黃履張商英蔣之奇曾任待制之張畏岑象求周鼎以下十餘人皆他本所未載者搜羅可謂博矣

集目

海瓊白玉蟾先生文集十卷 宋白玉蟾撰明臞仙序見黃通志

瓊州府志

卷四三

雜志 書目

八

海瓊摘稿六卷 明唐胄撰見阮通志

截山詠史集二卷 明王惠撰見黃通志

嶺南聲詩鼓吹集十卷 明王惠撰見黃通志

瓊臺類稿七十卷 明邱濬撰明志五十二卷詩

十二卷鄭廷鵠輯本十二卷

重編瓊臺會稿二十四卷 明邱濬撰

欽定四庫全書提要濬文集世不一本初其門人蔣冕等刻其詩曰吟稿續又袁其記序表奏曰類藁嘉靖中鄭廷鵠合二藁所載益以所得寫本釐為十二卷名曰會藁天啟初其裔孫爾毅遴類藁十之二增會藁十之三并吟藁合刻曰重編

會藁卽此本也雖不及類藁會藁之完備而簡汰頗嚴菁華俱在足以括濬之著作矣

涓邱集十卷 明邢宥撰見黃通志

雞肋集二卷 明王佐撰見黃通志

蟄庵集 明王宏撰

古愚集 明李珊撰見牛天宿瓊州府志

竹溪集 明梁繼撰見牛志

虛庵集六卷 明陳實撰見阮通志

西洲存稿 明唐胄撰見獻徵錄

鍾筠溪家藏集三十卷 明鍾芳撰

欽定四庫全書提要瓊州府志載芳詩文集二十卷此

瓊州府志

卷四十三

雜志 書目

九

集文二十四卷詩六卷與志不符蓋志誤三為

二也第二十二卷第二十一卷為讀書札記第二

十二卷為皇極經世圖續所推起宋神宗迄明

嘉靖第二十三卷為雜著第二十四卷為怡情

要覽蓋皆各自為書者附編於文集中云

林舜卿文集十卷 明林士元撰見郭通志

北泉論草 明林士元撰見郭通志

鴈峯集百餘卷 明吳誠撰見郭通志

事軒摘稿一卷 明張子翼撰見阮通志

備忘集十卷 明海瑞撰

欽定四庫全書提要案明志載海瑞文集七卷

國朝廣東鹽運使故城賈棠與邱濬集合刻者止六卷是編載海瑞所行條式申參之文最爲全備乃康熙間瑞六代孫廷芳重編原跋云共一十二卷分爲十冊今攷此本冊數與跋相合然每冊止一卷實止十卷較原跋尙闕二卷未喻其故也瑞平生學問以剛爲主故自號剛峯其入都會試時卽上平黎疏爲戶部主事上治安疏戇直無隱觸世宗怒下詔獄然世宗覆閱其疏亦感動太息至擬之於比干後巡撫應天銳意興革裁抑豪強惟以利民除害爲事其孤忠介節實人所難能故平日雖不以文名而所作勁氣直達侃侃而談有凜然不可犯之概當嘉隆間士風頹沓之際切墨引繩振頑醒瞶誠亦救時之藥石也滌穢解結非大黃芒硝不能取效未可以其峻厲疑也

藿膾集

明鄭廷鵠撰見郭通志

蘭省掖垣集

明鄭廷鵠撰見郭通志

學臺集

明鄭廷鵠撰見郭通志

石湖集

明鄭廷鵠撰郭通志廷鵠遷江西參政

以母乞歸築室石湖著書自娛

自新遺稿

明陳天然撰見阮通志

木齋集

明李應和撰見阮通志

澄源稿畧 明王贊襄撰見郝通志

天池草二十六卷 明王宏誨撰

欽定四庫全書提要宏誨初釋褐時值海瑞下詔獄力
調護之張居正當國又嘗作火樹篇春色歌以
諷為居正所銜蓋亦介特之士也是集文二十
卷詩六卷

尚友堂稿 明王宏誨撰見廣東詩粹

南溟奇甸集 明王宏誨撰見瓊州志

潯懷集 明王汝為撰見郝通志

存塾稿 明王汝為撰見郝通志

撫絃餘韻 明王汝為撰見郝通志

瓊州府志

卷望

雜志 書目

十一

滄浪集 明梁必強撰見牛志

居業集 明柯呈秀撰見牛志

中秘稿 明陳是集撰

南溟詩集 明陳是集選

雜志三 金石

東潭石巖字

粵東金石畧瓊山縣東潭都石巖下有平石深
及丈左刻云貞元二年缺四字八月丁卯僧缺四字

鑿為記缺四字光法名無我以下不可辨右刻熙

寧甲寅秋九月中休俞城率王憲自梁敘同遊

男缺二字書阮通志

馮公墓碑

在瓊山縣宣德間村人耕陶公山下掘地見石

碣刻云大唐賜紫金魚袋馮公之墓翰林學士

李吉甫撰文黃通志

瓊州府志

卷四十三

雜志 金石

三

乾亨寺鐘銘

輿地紀勝瓊州乾亨寺鐘在開元寺有南漢乾

和九年鐘銘阮通志

伏波將軍廟碑記

輿地紀勝東坡文○廟在郡城北六里龍岐村

宋建祀漢二伏波將軍蘇軾撰廟記與雷州同

據黃通志修

峻靈王廟碑記

輿地紀勝東坡文阮通志

昌化軍六無帖

輿地紀勝東坡謫儋耳貽書江浙士友云食無

肉出無友居無屋病無醫夏無寒泉見瓊筦志
同上

惠通泉碑記

瓊州之東五十餘里有三山庵庵下有泉味類
惠山泉東坡居士過瓊庵僧惟德以水餉焉且
求為名名之曰惠通元符三年六月十七日記
據黃通志修

浮粟泉字

粵東金石畧泉在瓊州府城東北隅二里許府
志即指為蘇文忠雙泉之一舊有洞酌亭今為
蘇祠祠有石刻公像泉上一石勒浮粟泉三字

瓊州府志

卷四十三

雜志 金石

三

云公書

阮通志

東坡二詞碑

石碑二通刻行香子臨江仙二詞末題東坡居
士書粵東金石畧云二詞乃黃州雪堂所鐫後
一總戎摹來刻於此採訪冊

金粟泉磚文

明萬曆間郡守翁汝遇禱雨於金粟庵喜泉味
甘美因重建粟泉亭掘地得一磚上刻云洩盡
先天秘口修來世身若思逢故友二姓草頭人
旁有東坡行草書跡翁珍之遂攜去

宣和御碑

碑高七尺有奇在郡北郊外三清觀中字皆正書徑寸餘前刻云神霄玉清萬壽宮詔御製御書宣和元年八月十二日奉聖旨立石

瓊州華遠館題壁

輿地紀勝李丞相綱以建炎二年自澧州移萬安軍十二月二十有五日本渡次瓊管後三日祇奉德音聽還以十二月五日北歸寓華遠館凡十日載惟自唐以來宰相有罪謫海上多矣得生還者以一二數又皆積年始內徙而今者往返曾不踰旬天恩寬大感極而繼之以泣云
威武廟碑陰記

瓊州府志

卷四十三

雜志 金石

古

輿地紀勝李綱文故翰林蘇公謫儋耳既北歸作漢伏波將軍廟記迨今逾三十年未克建立綱以罪謫居萬安遣子宗之攝祭默禱於神異時儻得生還當出蘇公所作碑刻石廟中以答神貺時建炎三年俱同上

儋州儒學碑記

秦泉通志儋州儒學宋立在州城之東紹興二十一年知軍陳適徙於城東南隅李光有記見

藝文

瓊州學記

朱晦翁作見晦翁集

輿地紀勝

學舊有朱子記并書

明倫堂匾

粵東金石畧

國朝乾隆三十八年郡守

蕭應植重書朱子學記

採訪

記見藝

文

慶元初小學碑記

粵東金石畧瓊州通守劉公初小學記慶元丁

巳中夏朝奉大夫前權知瓊州軍州瓊管安撫

都監温陵莊方記

採訪

瓊州府學大宋平黎頌碑

粵東金石畧紹定四年瓊山黎賊王居起為亂

明年出師又明年平之丞議郎通判瓊州軍州

兼管內勸農桑事借緋游寵進頌三十一章并

瓊州府志

卷四十三

雜志 金石

圭

序

阮通志

澹庵泉三字碑記

在臨高縣西四十里紹興壬戌方宗萬書郡佐

方世功記嘉定丙子夏

蕭志

崖州大小洞天石刻

在崖州城南二十里之試劍峯上宋知朱厓軍

事毛奎題刻並作記記曰吉陽形勢甲於海南

南山盤踞氣象雄偉意其中必有殊巖幽洞之

奇而屢加訪問未獲也一日屬權尉黎民志搜

尋始於周使君石船摩巖後山顛得一石室前

瞰大海後環曲港峭壁在南小洞附北實為海

山之奇觀而有僧善慶又於山麓石峯之陰近石船得一巖由西北委蛇數十丈以通後洞巖之外臨海有平石可坐而釣因曰釣臺對巖之前有石奇怪其下可坐十客仰望八景皆在目中以其與巖相望名以巖瞻是皆大小洞天之佳致也昔周使君以淳熙丙午來觀石船摩巖刻石今予亦以淳祐丁未經營此勝槩適與石船同一處遂成八景由今視昔似或勝之豈非天實有以相之耶因敘其本末以識洞天之奇觀同上

摩崖碑記

瓊州府志

卷四十三

雜志 金石

六

知昌化軍邢夢璜撰文見藝文志

至元癸巳平黎碑記

知昌化軍邢夢璜撰文見藝文志

高山毘耶神壇記

在臨高縣毘耶山上范德機撰文云瓊之臨邑西去有山山以毘耶名神亦毘耶名毘耶果何物哉寰宇記有曰山頂有獸狀似大蟲俚人呼為毘耶故以名山呼山其神乎物其神乎其妙用為難明也得邑之耆老曰漢建武二年青州人王氏家於邑之南村有子長名祈次名律與邑人王居傑獵於山倦憩石上所為石所陷居

僕三引刀不解祈曰我爲毘耶大神隱此石室
已後可以純白三牲三載一祀語訖則神人兩
途矣律與居僕歸而謀之邑人如期致祭後人
因之乃知人因石而神山因神而名也嗣是神
赫厥靈宋靖康年間逆酋王文滿攻掠我邊鄙
虔劉我民人民兵少怯敵登山告神而神以蠶
蜂驅之賊徒敗北建炎三年陳韜莫恩等賊侵
境邑之官民叩神相一指顧間渠魁授首比之
風鶴雪鵝公山草木尤其神也人以爲神故歲
之水旱則禱之癘疾祟降則禱之咸若有答焉
延祐甲寅春民以旱告邑宰登壇一禱而霖雨

瓊州府志

卷四十三

雜志 金石

七

作神之果神令尹於是乎信乃語邑人曰夫渤
海之五峯蜀地之三峩奇矣豈若此山之有其
神魏榆之石能言金華之石可叱怪則怪矣豈
若此石之靈而異況其功於國惠於民厥勲章
明宜受顯祀壇而祭之必碑以記之俾邑人不
忘神之賜後來者亦知山之所以名神之所以
靈也僉曰唯唯爰鐫石而銘之曰高山濛洪俯
視衆峰天造石室有神居中靈妙變化機神感
通英物呵護三邊息烽陽沴而和十雨五風民
受乃賜報彰神功歲有常祀犧牲致恭刻在金
石以垂無窮延祐二年春記祀始於漢迨元延

祐甲寅邑禱早有應立廟紀功後封爲顯應侯
明洪武三年取勘祀典神祇知縣王續請入祀
典賜今封以歲八月十六日祭履任新官必放
雞神前卜啼否以驗災祥故外紀詩有云世泰
免煩祈毒蠱吏循元不屬靈雞據黃通志修

龍潭廟記

范梈記距臨高西二十里曰西村有龍潭宋故
事令天下旱雩擇郡縣地爲壇刺史縣令帥諸
吏奉祭具如法茲其遺也壇三成長一丈廣半
之北有潭東西廣七之二潭中有穴二水碧黑
色測之無底父老傳天聖間常有白龍出焉其

瓊州府志

卷四十三

雜志 金石

六

在祀典者以此潭水西灌千餘畝大旱不殺甚
兩不漏或曰地近海穴通故然天久旱青曰氣
上騰禱者以爲雨應延祐元年安豐牛君那海
來尹是縣會旱禱之兩三日旣霽又雨穀大熟
思所以侈靈報貺惟是表章先時民有侵壇側
地以食者墾辟四出褻汚不虔君盡復而樹之
注汲有塗奠瘞有次泓涵澄映勃鬱葱菁歲時
祈報贊拜跪起祀官以嚴神明以欣二年又旱
余錄囚歷縣尹請述其事刻諸壇石欲往察不
果命吏翦叢翳審函勢以來且與龍約曰庶余
文哉以神視余吏以而雨隨至禾乃大起吁亦

可謂靈已夫宰百里所以治夫人也神依人者也神依乎人者事之猶若是備至則治人之道何以尚之況山川之功在禮猶足稱者乃爲樂龍之章以授之俾其人世世歌以承祀且併刻焉辭曰僊僊兮舞羽坎坎兮拊鼓龍之居兮有宮棟白雲兮下爲宇湛湛兮天門龍之來兮從續紛吾莫去兮回皇洞簫亮兮須君蹇須君兮日復夜梓有蒸兮芳有藉折素馨兮楊柳元天矯兮上下我有大田兮海之隅藪蘋充實兮黍稻于于終古兮介祐我民兮樂胥

據黃通志修

范梈東坡祠記

瓊州府志

卷四十三

雜志 金石

九

粵東金石畧儋州桄榔庵址在州城西南學官前有元延祐己未夏范梈撰東坡祠記并書

文至正五年州人重鑄於石

黃通志

載酒堂碑

海槎餘錄載酒堂有元廉訪使周伯琦隸書碑

書法甚精

同上

乾寧儒學置書碑

其碑首云乾寧儒學置書記末云至正十一年

辛卯學錄廬陵羅益中撰從仕郎海北海南道

都元帥府都事宋汝弼書

粵東金石畧

有本泉石刻

在萬州東山嶺下侍御史邱世傑偕坡院山長
劉復同遊題刻蕭志

南寧軍碑記

原儋耳自前漢時始爲郡與珠崖並繼梁而隋而唐郡名興革不一旣改儋耳郡爲儋州又改儋州爲昌化郡至宋改昌化郡爲昌化軍紹定壬辰囚瓊酋長王居起與本軍管下合羅黎人符先邦等搆掠時人議謂昌爲猖鬼敗亡化爲人操戈之狀昌化二字不祥以是本軍於修復後有太守孫公舟舉申其事於上端平乙未准旨改昌化軍爲南寧軍以合羅崗立爲歸姜寨

瓊州府志

卷四十三

雜志 金石

三

南寧與萬安吉陽舊隸瓊管瓊管舊隸於桂闕若云風俗媿惡生民休戚於彼實察之然一島遠隔鯨波漢刺史唐採訪皆憚於涉險宋大觀元年提刑王公祖道渡海觀風謂黎地廣袤都縣稀疎奏請立鎮州於深黎地名龍門隸邑有三曰四達曰感恩曰龍門爲附庸舊傳龍門有灘名知更蓋州人常以灘聲五點後再起一點爲每更候自提刑王公去後大觀四年州亦隨廢其版籍貢賦隸之昌化軍擬宜倫縣舊用鎮州四達縣記其學舊用鎮州考試院記則此可驗自時厥後巡按者如李如崔相繼攬轡雖澄

清有錄亦白瓊而止南寧吉安萬安鞭所不及
伏自聖王革命薄海內外一視同仁歸附初首
立嶺南海北道提刑按察司至元二十八年更
爲肅政廉訪司第以海南黎獠頑冥未盡歸化
是年冬闕里吉思平章奉命督師南來征收深
崗未附生黎自瓊萬吉陽已而班師道經於此
時三十年之春也至三十一年間奏准設立海
北海南道肅政廉訪司監治凡十郡海北則雷
化欽廉高橫海南則瓊萬南寧吉安然此四州
環島百崗蟠中教化未易通行事情未易遍察
迨元貞乙未肅政訪分司諸郡刺怯林輶車按

瓊州府志

卷四十三

雜志 金石

三

行椽屬唐介鄧自雷而瓊臈月十九日徑入郡
境四民遮道扶老襁幼心口私賀欣然有喜
色而相告曰前此我僭事耳目不接但自昌化
改南寧以來迄今獲都平章廉訪二公接踵至
斯真翔見也方使節按臨之明日詣文廟致禮
於先聖先賢升堂招諸生而誨之曰凡爲士者
誦而詩讀而書三綱五常之道衣冠禮樂之懿
盍相講明毋隳爾功毋廢爾業明倫有區揭而
新之藏書有壁緝而修之學校何其幸及觀其
清簡從事不動聲色斷折公而鼠牙之訟息勞
來切而鴈澤之居安虹梁跨波驛道如砥公廡

輪奐官府儀型數十年積廢規模一旦修舉若
官吏莫不清廉自勵由是化行俗美訟簡刑清
呻吟者謳歌塗炭者衽席熙熙然清風和氣中
官吏士民乃不謀同而辭曰前乎削平黎獠平
章之功後乎宣勸教化廉訪之德二者盛美皆
合志之功且泚淪江之清磨澗沼之白爲二公
豐功茂德頌然自改昌化而南寧近六十年未
有記者幸今繡衣至羅縵增輝使不封刻以詔
來者則沿革事迹莫知其記矣此元貞乙未因
有感端平乙未云

據蕭志修

瓊漿井石柱題刻

雜志 金石

三

瓊州府志

卷三

在瓊山縣南郊舊學東洪武間教諭趙謙浚刻
云歲壬申閏甲申鑿斯井泉汙汙德日積用日
新養不窮千萬年考古銘告後人

採訪冊

定安縣譙樓古鐘

姚應甲定安古鐘記畧銅鐘古色光瑩可愛紐
之蒲牢一足微缺考鑄之日鐫明永樂九年鑄
之人邑令吳君定實重凡三百餘觔初置譙樓
上叩之聲聞至郡成化間郡大吏命夫輦之去
行至梁沙輒重夫力不能勝雷雨忽作擊傷其
紐夫驚報命允復其舊遂輕如故而聲聞十里
矣

定安志

郡城隍廟銅鐘

舊在衛譙樓上後樓廢移皮城隍廟內欵鑄大明正統元年海南衛指揮僉事信官張玉石玉等仝瓊州府知府程瑩捐資鑄造計重二千三百二十觔鐘高五尺周身鑄有八卦紋

採訪冊

重建天寧寺碑記

正統八年歲在癸丑孟夏之初瓊郡太守羅田程公瑩節推宿遷乘公輅知事實圭黃公琦等暨諸僚屬咸集於天寧寺時太守公諭於衆曰寺之佛殿迺文昌縣善士韓真祐捐資所營第以規模湫隘莫稱偉觀矧茲邦爲海外重鎮方

瓊州府志

卷三

雜志 金石

三

伯連帥之所臨莅羣黎百姓之所瞻仰吾儕忝職斯土可不爲之一新乎於是乃議鳩工遷舊殿於後爲觀音閣重建大雄寶殿於其舊址稽度旣備傭役惟時掄材陶埴各隨方所土木日盛桴載日興工逸事遂秋八月戊申厥功告成大殿翬飛肖貌輝煌金碧相照視昔有加暨諸內外樓閣法藏與夫齋堂僧舍以次一新旣而昭勇將軍海南衛指揮使鳳陽陳公瑛等捐資置買田地以爲常住之資僉以爲海外叢林之盛古所未有宜勒諸石以垂不朽予惟佛法之興自漢以來遵其教者莫不壯麗其宮以榮奉

之無非上以祝皇圖下以福斯民而已今程公於從政之餘捐資是崇是建其意蓋有在也豈徒徼福祉爲美觀哉雖然上有好者下必有甚焉外則土官主簿符忠得者老何存等供其口口口志董其事與夫善士馬閏通等則另列名於碑陰焉於戲一時耆士上下同心恭成盛事猗歟休哉予老矣拙於爲文姑書此以識歲月云

右碑在城北天寧寺欵云賜進士出身文林郎行在河南道監察御史致仕七十八翁瓊山唐舟譔文鄉貢進士廣西柳州府武宣縣儒學教

瓊州府志

卷三

雜志 金石

三

諭瓊山吳昊篆額瓊生伍喜書丹

採訪冊

南山守禦千戶所城碑記

御史唐舟撰文聖朝混一區宇輿圖之廣亘古莫及皇上一日萬幾念及嶺海之外皆赤子繭絲保障者恐或有怠乃敕命按察使蕪湖郭公整飭廣東一道兵務公則攄忠端節戴星沐雨風霜凜然山嶽搖動正統八年冬按節瓊郡十一月節駐臨邑進縣令柳江徐侯曰是邑前逼黎崙後邊大海倘或有警何以備之徐侯承命惟謹寢處弗寧於是因民之隙以身先之度地之勢相地之宜壘之以石圍之爲垣經畫措置

俱合儀度崇計一丈圍計六百丈譙樓門路偉
然一新創始是冬十二月初九日畢工於次年
四月十九日土舍王端與諸父老謝東衛鍾用
等言曰昔我臨邑荒居野處蕩然無闕今則垣
壁堅牢得以禦侮防奸府藏固密民不見苦財
不見費是皆憲使郭公縣令徐侯之賜也乃來
求余志其歲月以示不忘余謂古之子民者當
愛民力春秋凡用民力必書是也今郭公能體
皇上愛民之心俾徐侯堅其保障卽周王命仲
山甫保彼東方之意侯復能內修德政以爲保
民之本能使民以時動民以義無妨農害衆之

瓊州府志

卷四三

雜志 金石

三五

舉誠父母愷悌之道當書之以鐫諸石垂永久

正統九年秋記

據黃通志修

重修學廟記

天順七年歲舍癸未孟夏之吉教授三山朱珪

撰舉人婁琮書

採訪冊

宣宗御製洪範敘碑

尙書一經皆古聖人治天下之大經大法而莫
詳於洪範一篇蓋天以啟禹禹敘爲九疇而大
綱著箕子推衍成篇而衆目備治天下之法未
有加於此者九疇皇極爲之主而皇極人君爲
治之心法也卽疇而觀前四疇皇極之所以立

後四疇皇極之所以行始終皆歸於極故曰九疇之主也推本而論五事之要故曰人君爲治之心法也蓋人君建極於上極建而福集福非徒厚其一身凡天下之人皆於君之極保而不失天下之福也夫首五行本諸天也五事以誠身而八政以厚民也五紀以合天也三德以治人而稽疑以辨惑也庶徵以省驗而福以勸懲也皇極之體用備矣蓋天以二氣五行生育萬物而理行乎其中人君以其理修己治人而氣參乎其上故九疇於天道人事皆互言之治天下之法豈有加乎此哉於呼斯疇也天以畀禹而非箕子之發明久將晦矣武王之訪箕子之傳殆亦天啟之歟朕反覆究心未嘗厭也幾務之暇嘗親書之閒以所得及聞諸儒先者撮其大要於簡首庶幾體而行之云

碑在瓊山縣學明倫堂末書云右宣宗章皇帝御製洪範敘凡三百七十六言臣棐拜手稽首敬書而勒之貞珉成化壬辰春旣望中憲大夫廣東等處提刑按察司副使臣涂棐謹志

府學宮大方碑朱子詩刻

昆侖大無外旁薄下深廣陰陽無停機寒暑互來往皇犧古神聖妙契一俯仰不待窺馬圖人

文已宣朗渾然一理貫昭晰非象罔珍重無極
翁爲我重指掌 吾觀陰陽化升降八紘中前
瞻既無始後際那有終至理諒斯存萬世與今
同誰云混沌死幻語驚盲聾 人心妙不測出
入乘氣機凝冰亦焦火淵淪復天飛至人秉元
化動靜體無違珠藏澤自媚玉韞山含暉神光
燭九垓元思徹萬微塵編今寥落歎息將安歸
靜觀靈臺妙萬化從此出云胡自蕪穢反受
衆形役厚味紛朶頤妍姿坐傾國崩奔不自悟
馳騫靡終畢君看穆天子萬里窮轍迹不有所
招詩徐方御宸極 涇舟膠楚澤周綱已陵夷

瓊州府志

卷四十三

雜志 金石

三

况復王風降故宮黍離離元聖作春秋哀傷實
在茲祥麟一以蹈反袂空漣洏漂淪又百年僭
侯荷爵珪王章久已喪何復嗟歎爲馬公述孔
業託始有餘悲拳拳信忠厚無乃迷先幾

東京失其御刑臣弄天綱西園植姦穢五族沉
忠良青青千里草乘時起陸梁當塗轉凶悖炎
精遂無光桓桓左將軍仗鉞西南疆伏龍一奮
躍鳳雛亦飛翔祀漢配彼天出師驚四方天意
竟莫回王圖不偏昌晉史自帝魏後賢盍更張
世無魯連子千載徒悲傷 晉陽啟唐祚王明
紹巢封垂統已如此繼體宜昏風塵聚瀆天淪

北晨司禍凶乾綱一以墜天樞遂崇崇淫毒穢
宸極虐焰燔蒼穹向非狄張徒誰辦取日功云
何歐陽子秉筆迷至公唐經亂周紀凡例孰此
容侃侃范太史受說伊川翁春秋二三策萬古
開羣蒙 朱光徧炎宇微陰渺重淵寒威閉九
野陽德昭窮泉文明昧謹獨昏迷有開先幾微
諒難忽善端本綿綿掩身事齋戒及此防未然
閉關息商旅絕彼柔道牽 微月墮西嶺爛然
眾星光明河斜未落斗柄低復昂感此南北極
樞軸遙相當太一有常居仰瞻獨煌煌中天照
四國三辰環侍旁人心要如此寂感無邊方

放勳始欽明南面亦恭己大哉精一傳萬世立
人紀猗歟歎日躋穆穆歌敬止戒燿光武烈待
旦起周禮恭惟千載心秋月照寒水魯叟何常
師刪述存聖軌 吾聞包犧氏爰初闢乾坤乾
行配天德坤布協地文仰觀元渾周一息萬里
奔俯察方儀靜隕然千古存悟彼立象意契此
八德門勤行當不息敬守思彌敦 大易圖象
隱詩書簡編訛禮樂矧交喪春秋魚魯多瑤琴
空寶匣絃絕將如何興言理餘韻龍門有遺歌
程子晚居 龍門之南 顏生躬四勿曾子曰三省中庸首
謹獨衣錦思尙絢偉哉鄒孟氏雄辯極馳騁操

存一言要爲爾挈裘領丹青著明法今古垂煥
炳何事千載餘無人踐斯境元亨播羣品利
貞固靈根非誠諒無有五性實斯存世人逞私
見鑿智道彌昏豈若林居子幽探萬化緣飄
飄學仙侶遺世在雲山盜啟元命秘竊當生死
關金鼎蟠龍虎三年養神丹刀圭一入口白日
生羽翰我欲往從之脫屣諒非難但恐逆天道
偷生詎能安

西方論緣業卑卑喻羣愚流傳世代久梯接凌
空虛願盼指心性名言超有無捷徑一以開靡
然世爭趨號空不踐實蹟彼榛棘途誰哉繼三

聖爲我焚其書聖人司教化黷序育羣材因
心有明訓善端得深培天敘旣昭陳人文亦褰
開云何百代下學絕教養乖羣居競葩藻爭先
冠倫魁淳風反淪喪擾擾胡爲哉童蒙貴養
正孫弟乃其方雞鳴咸盥櫛問訊謹暄涼奉水
勤播灑擁篲周室堂進趨極虔恭退息常端莊
劬書劇嗜炙見惡逾探湯庸言戒粗誕時行必
安詳聖途雖云遠發軔且勿忙十五志於學及
時起高翔哀哉牛山木斤斧日相尋豈無萌
蘖在牛羊復來侵恭惟皇上帝降此仁義心物
欲互攻奪孤根孰能任反躬良其背肅容正冠

襟保養方自此何年秀穹林 元天幽且默伸
尼欲無言動植各生遂德容自清温彼哉夸毗
子咕囁徒啾喧但逞言辭好豈知神鑒昏曰余
昧前訓坐此枝葉繁發憤永刊落奇功收一原
右晦菴朱子齋居感興詩成化癸巳冬十有二
月甲子賜進士第中憲大夫廣東按察司副使
豐城涂棐伯輔書

碑四方廣各二尺有奇高七尺字大二寸許皆
隸書欵字差小正書在舊府學宮內今爲雁峰

書院

採訪冊

府學射圃碑記

瓊州府志

卷四十三

雜志 金石

三

成化七年副使涂棐闢射圃郡人邢宥有記黃通
志見藝文

府學祭器碑記

成化辛卯廣東按察副使涂棐市銅鳩工博考
古圖像按其制製之其爲器爵百四十而奇一
邊七十有二豆如邊之數簠簋各四十有四鉶
十有二登五尊三總其凡三百九十有三郡人

邱濬有記

見藝文志

藏書石室碑記

在府學明倫堂後邱濬有記黃通 見藝文

桐墩書院碑記

正統間貢士陳文徽建令鄉子弟講學學士劉儼撰記琴書君子所事也因其所事而留心焉以求其旨趣造其精妙亦已難矣其有無是而旋養其才製其具以留心於所事非深知篤好者吾未見其能爾也瓊州陳君文徽闔敏有遠識遊學庠序經籍子史百氏之書能盡得其要領嘗自謂書以窮理道琴以禁邪思學者必禁絕其邪思而後理道可明是琴與書其事雖殊而其用常相須然書可多積矣琴之材而中者惟桐桐又非瓊所常產是以瓊之人多琴之好而不能皆琴之有吾竊惜之乃於郡城東五里

許得一墩焉高可數尋其下平田沃壤溪流環抱正桐之所宜生也於是復加石其巔樹桐十數本且築室於麓藏書若干卷日探討其中以待桐成材而用之因名曰桐墩書院間來京師屬余記惟昔王充無書閱於市肆陶淵明素琴無絃謂得其趣而不勞於音是二人者皆足於己而無及於人今陳君於琴於書既兩得其趣矣而復多聚書旋樹桐以備其用以啟迪乎後昆旁及乎鄉郡吾知瓊雖遠在海濱異時絃誦之聞無閒鄒魯將必自茲始君今膺貢而來陞於太學駸駸乎嚮用有日推其行於家者施之

又將見兼善天下而四方皆絃歌矣據黃通志修

瓊山學碑記

學士邱濬撰文見藝文志

都御史邢公墓誌銘

禮部尙書邱濬撰文黃通志

瓊州府儒學記

順德張泰撰文宏治紀元廣東憲副新淦陳公朝彥分巡海南道奉璽書整飭兵備越明年武事既修四境無虞詣郡學謁先聖禮成周覽惟大成殿宏壯可觀至於廡門庖庫以及師之分教之齋生之肄業之舍卒腐朽弗稱上兩旁風

瓊州府志

卷四十三

雜志 金石

三

日就傾圮公仰嘆曰學校首善之地風化之原斯民之具瞻誠司政教者之先務也顧庫陋若是非缺典與乃命有司庀材鳩工不亟不徐經始於宏治二年己酉八月訖功於三年庚戌正月凡為殿之左右兩廡若干楹櫺星門戟門雲鼓石柱各十二神廚祭器庫各若干間堂之東西四齋若干增肄業舍若干間修會饌堂若干間樹儒林坊於通衢且按舊碑詢父老復勢要侵學之左田若干畝學之後塘大小二方相連仍於殿堂悉加潤色丹漆黝堊咸極堅緻既完且美輪奐一新高明闔爽壯觀郡邑是舉也費

自公出而民不憚勞有司告成於公而落之闔
郡士民咸樂趨覩諸生唐顯祖等懽忻踴躍謀
勒石以傳教授南海吳君元走伴奉書幣來徵
予記

據黃通志修

大學士邱文莊公墓碑

宏治八年春三月初二日

皇帝遣禮部尙書倪岳論祭於故光祿大夫少
保兼太子太保戶部尙書武英殿大學士邱濬
曰惟卿早擢高科厯事累朝博學能文名聞允
昭簡在朕心置卿近密入告謀猷每多裨益胡
爲嬰疾竟爾告終爰念往勞深惻予衷特頒卹

瓊州府志

卷四十三

雜志 金石

三

典有贈有諡給驛還喪並賜葬祭君臣義篤終
始克全卿靈如在其歆鑒焉

採訪冊

特贈諡策文碑

宏治八年春三月十二日奉

天承運皇帝制曰朕惟贊幹化機必資考壽訏
謨治道須藉博聞故旣優其請老之期而復厚
以卹終之典故光祿大夫柱國少保兼太子太
保戶部尙書武英殿大學士邱濬海邦間氣翰
苑名流績學羣經留心庶務久居清秘晚佐鈞
衡官八轉而至三孤於今爲重壽七旬而加五
歲在古尤稀方深倚任之懷弗聽歸休之請踰

年賜告一旦云亡天不憖遺朕殊傷悼茲特贈
太傅特進左柱國諡文莊於戲朝以爵鄉以年
並繫一時之望官有贈行有諡永貽百世之榮
不朽者存尙其歆服

又諭祭碑

宏治八年春三月十四日

皇帝遣禮部左侍郎徐瓊諭祭故光祿大夫柱
國少保兼太子太保戶部尙書武英殿大學士
贈太傅特進左柱國諡文莊邱濬曰卿以文學
擢居重在方切倚毗遽云長逝忠心悼傷其何
能已茲臨三七特用遣祭卿靈不昧庶其歆享

瓊州府志

卷四十三

雜志 金石

三

俱同上

大學士邱文莊公神道碑

刑部尙書何喬新撰文 黃通志

重建海口觀音堂記

碑在海口觀音堂款云賜從一品服進士出身
奉勅提督軍務奉政大夫廣西按察司僉事前
監察御史瓊臺李珊撰文奉政大夫直隸太平
府同知李昌書時宏治七年歲在甲寅冬十月

望日記 採訪册

懷沙亭碑記

在郡城西十里小英村樂古書院內碑高五尺

濶二尺許正書字大寸許書跋差小

陳獻章啟病寄邱園老去惟有歲月耳足下何
稽畀之歌詞況於書札玩好往往使人喪志足
下反爲之增價邪感忤感忤細葛二端專使千
里老朽何德以堪之從事言足下發此書特履
任後一二日也足下修古循良之政以及海濱
之民是在足下周憲長平生故人何由復見之
李世卿卽日還武昌今少留白沙此紙托世卿
爲書訃終言不能悉宏治丁巳二月十二日孤
哀子陳獻章稽顙海北汪大人足下

瓊州府志

卷四十三

雜志

金石

三

郡過儋一遊載酒堂旣而兀坐便覺岑寂忽使
自舶來持先生此書拜覽喜甚超然不知寄萬
里一身於炎荒瘴海也豈但賢於十部從事邪
適立沿海諸場社學以教俊秀因小英偶築一
亭名曰懷沙錄書刻石蓋志不忘先生教愛且
使海外之人共仰先生純德卓行有以感慕興
起其於世教豈小補也哉脫爲燕游詩酒之場
謀利計功之學以徇平流俗固非名亭仰高自
勵之心抑非區區之所望於吾人也或曰先生
淳古之士非子敢希若然是誠自暴棄而終不
可以語道矣又竊以自釋石首西所汪廷貞謹

書採訪

先賢祠碑記

在海南道右即醫學舊址祠郡守王伯貞徐鑑

李東陽撰文黃通志

珠崖第一山石刻

在萬州東山嶺上字方廣約三尺許均鑄在嶺

上距此十數武有石周數十丈正德間知州余

忠建亭於其上日偕樂其旁有二石壁立刻天

上人間方便第一但行好事莫問前程各八字

採訪

王公生祠碑記

瓊州府志

卷三

雜志

金石

三

在崖州治西正德己卯知府陳堯師等以副使

崑山三倬有平黎功建祠祀之郡人黃芳撰文

見黃通志

瓊州府社學碑記

在郡明倫堂欵云通議大夫詹事府詹事兼翰

林院學士南海霍韜渭光撰文嘉議大夫南京

兵部左侍郎郡人黃芳仲寶書丹中奉大夫廣

西左布政使郡人唐胄平侯篆額嘉靖十三年

歲次壬辰冬十月朔吉瓊州府同知柳邦傑推

官曾鶚府教授梁文重訓導陳廷鳳陳經緯等

立

瓊州府科第題名碑記

在郡學明倫堂欵云賜進士出身中奉大夫江
西布政司右布政使黃芳撰文賜進士出身中
憲大夫雲南按察司副使唐胄書丹賜同進士
出身奉政大夫福建按察司僉事曾鵬篆額上
半碑鐫記下鐫歷科題名自洪武十七年甲子
至嘉靖十年辛卯凡四百零七人後云瓊州府
知府林有祿同知通判教授等立

大明平黎碑記

在郡明倫堂嘉靖十四年龍集乙未冬十一月
朔旦立賜進士出身通議大夫致仕戶部右侍

瓊州府志

卷四三

雜志 金石

三

郎郡人鍾芳仲寶撰俱同上

重修趙考古墓碑記

在瓊山縣之東北隅唐胄重修記姚江趙考古
先生謙洪武末司教吾邑一旦語諸門人曰太
虛不能不聚而為人物人物不能不散而為太
虛吾不久當歸吾元尋果卒弟子不忍去其柩
爭負土留葬哀泣若已父焉余少知慕先生之
道而恨郡乘之失紀其藏及讀裔孫宏翰上邱
深庵書曰墓荒榛棘而識者日寡未嘗不扼腕
以嘆也正德庚辰冬賀少參汪僉憲二公來按
郡者篤慕先生者余獨與談及而共咨嗟之未

幾卽得其藏於舊學之東北隅指似於衆歸於
耄蓋隱隱於叢冢側餘於犁鋤無幾矣乃基石
崇封而碑題之補前地之侵墾者甃以甃石隨
道券臺斬然以秩時目擊者感當日負土之心
咸戚戚然曰藏幾百三十年矣而古則之英靈
今不終掩古預有不墮之數蓋如此又曰所謂
太虛聚而爲人不徒恃乎形先生蓋自有不隨
死而愈顯者斯藏之不聞未爲泯也今皆不然
之先生少慕考亭之學肇博於六書而會之於
六經百氏又約之於造化經綸一圖羽翼聖道
當時高皇帝與臣宋濂解縉皆知重之及謫教

吾邑首啟王惠吳文祥諸賢之傳愈衍愈盛各
以所得皆足名世故評郡之風教謂文化洽於
唐宣宗禮樂盛於宋中葉而文風則丕變於先
生其有功於吾土也大矣功之大則思之宜深
然世遠跡滅而漫焉者勢也故古人論保思之
道曰讀其書留其像甚至知其鄉里與形之短
長大小美惡及平生之所嗜好以想見其爲人
而使存之於心況茲骨肉所斃之士豈不猶切
近焉而易感乎故茲藏顯於慕道之誠豈其數
又因起人思慕以向道則其自有顯者寧不藉
此而益顯乎其於世教之關係何如也余觀前

代於先賢之墓建漢白社思賢之碑築宋能仁
限牧之牆嘆豪傑之扶世教每作人於風聲意
氣之外古今大畧相同未嘗不憫簿書俗吏之
碌碌也通判俞侯謂古則之賢固不讓於古而
二公闡斯藏於既泯功視古尤倍余不可無言
而使之泯也余蓋有感於豪傑而愈作思者烏
敢辭

據黃通志修

侍郎唐胄墓誌銘

在瓊山縣東南五十里陶公山侍郎鍾芳撰文

黃通志

太常寺卿夏昇諭葬碑

瓊州府志

卷四三

雜志

金石

三

御賜酒一壇遣參議賀泰諭祭於南京太常寺
卿夏昇曰惟爾性質敦篤操履清勤發跡賢科
歷官郎署擢司符璽繼轉留都尋陟鴻臚以憂
去位雅懷恬靜懇乞歸休特晉清卿俾全晚節
胡爲一疾遽爾長終訃音來聞良用悼傷爰頒
諭祭庸爾卹恩靈其有知尙克歆服

據黃通志修

御史陳實墓誌銘

在陶公山侍郎邵寶撰文

黃通志

侍郎鍾芳諭祭碑

嘉靖二十三年御賜祭葬遣參議方民悅諭祭
致仕戶部侍郎鍾芳曰惟爾性質敦篤才識通

明發跡賢科掄官史職出補外郡洊陟郎曹擢
司臬而學政聿新舉參藩而軍功克著奉常兵
侍效職留都進佐司徒允周國計方隆委任昔
乞休閑林壑優游遽爾淪謝忽聞訃喪良用悼
傷特頒卹恩以酬往勞營葬有制賜祭有儀靈
爽如存尙其歆服

據黃通志修

侍郎鍾公神道碑銘

祭酒黃佐撰文

黃通志

告宗族書碑記

在郡明倫堂

碑文不錄

末刻嘉靖三十二年孟秋之

採訪

瓊州府志

卷四十三

雜志 金石

卑

冊

重刻蘇東坡洞酌亭詩并引碑

在郡城內東北隅東坡井旁萬曆八年歲次庚
辰七月穀旦賜進士第中憲大夫知瓊州府事
西蜀唐可封謹識同知楊繼文通判黎九齡立
石

重建鼓樓碑記

在郡城鼓樓上款云瓊州府重建鼓樓記賜同
進士出身中憲大夫廣東按察司副使臨汝胡
桂芳撰末云萬曆丁酉仲秋吉旦瓊州府同知
經仁木通判何自謙推官吳洪績同立

海忠介公墓碑

萬曆十五年歲次丁亥秋八月二十五日

皇帝遣禮部左侍郎沈鯉諭祭於南京都察院
右都御史贈太子少保兼吏部尚書諡忠介海
瑞曰惟卿高標絕俗直道禔身視斯民由已饑
寒恥其君不為堯舜矢孤忠而叩闕抗言增日
月之光出百死以登朝攬轡勵澄清之志迨起
家於再廢乃浹歲而三遷巖石具瞻卓爾舊京
之望素絲無染哀然先進之風綜銓務而議主
懲貪領法臺而政先釐弊若金在冶百鍊彌堅
俟河之清九泉莫及特頒葬祭爰賁始終卿靈

瓊州府志

卷四十三

雜志 金石

聖

不昧其歆鑒焉

採訪 冊

瓊州府科第續題名碑記

在郡明倫堂款云南京禮部尚書定邑王宏誨
撰文南京戶部主事郡人林震書丹行人司行
人許子偉篆額萬曆十八年歲在庚寅仲夏之
吉題名自嘉靖十三年至萬曆十六年凡十九
科八十六人

漢兩伏波廟祠碑記

在郡小北門外伏波廟中款云萬曆三十四年
孟夏吉旦海防劉總兵溫陵鄧鍾立

清惠亭石刻

在郡城北五里亭欵云萬曆戊申年瓊州府知府倪凍題內有石柱刻聯云心如水德如風到處陽春原有脚渴者飲勞者息因民樂利本無心又云過海天增濶看雲路不迷相傳皆倪郡守筆跡

倪公井銘

在清惠亭旁其銘云雲無噴玉洞天流瓊味兼四美德配八功誰爲此者東越倪公爰鑿渾沌載開鴻濛

昌明塔石刻

在郡城東北三里下窰村欵云萬曆三十八年

瓊州府志

卷四十三

雜志

金石

聖

歲次庚戌季冬吉旦瓊州府知府翁汝遇同知李夢麟通判朱大經推官危純中鼎建

重建天寧寺碑記

在郡城北一里萬曆四十年歲次壬子陽月吉旦賜進士第資政大夫南京禮部尙書前太子賓客兩京吏禮兩部左右侍郎兼翰林院侍讀學士會典副總裁經筵講官郡人王宏誨紹傳甫撰

改建兩伏波祠碑記

在郡北郊演武亭西欵云萬曆丁巳重陽日賜進士第中憲大夫廣東等處提刑按察司分巡

海南道奉勅整飭兵備兼提督學校副使閩漳
戴燿頓首記瓊州府歐陽燦同知李鳴陽推官
傅作霖瓊崖叅將何斌臣海南南衛指揮王蓋李
開永王燦斗李宗定崔宗蔭高口口張國勳口
德容全立額書漢兩伏波將軍祠記八篆字記
云上御極四十有五載華夷率俾幽明咸熙自
昔忠臣名將膺狄勛夏卹災捍患有功德於民
者莫不秩於祀典罔時怨恫維漢邳離新息路
馬兩伏波將軍廟食嶺南而瓊郡之祠猥在叅
將公署塞後若北面而朝者戴子燿渡海之三
日謁於祠下仰視椽桷而嘆曰嗟乎邳離伐夷

瓊州府志

卷四十三

雜志 金石

三

新息苦戰關三千餘里活百千萬命而不得半
畝之宮以居迺寄人門屏爲饗哉於是行營演
武場之西高厰地伐木鳩工爲廟蓋與漢前將
軍關侯廟並峙云參戎何君口口遂遷兩將軍
神位而俎豆之請燿爲記余維於天爲三立而
不朽而功與德未嘗歧而二之蓋夫子大齊之
功而曰微管仲吾其被髮左衽矣又曰如其仁
如其仁故膺懲則功而捍卹則德至於生爲人
英歿爲鬼雄捍卹之靈百世彌光而供奉之虔
遍海內外則惟前將軍關侯耳兩伏波將軍口
以功則管相之族以德則關侯之亞也此非所

謂不依形而立不待生而存不隨死而亡者乎
瓊南在三代爲遼絕殊黨之域口教不暨正朔
不加口西漢邳離伐滅其國始仰流而受號然
迄東漢叛服靡常至目爲荒裔不足誅鋤口息
口戰懷音向內而衣冠禮樂遂斌斌與中原埒
蓋是時瓊口混沌之世而兩侯並著開闢之功
大海天塹汪洋浩淼怒濤顛波吐蜃搗蛟望洋
向若多至股栗魂喪卜於二侯曰吉而後敢濟
真蘇東坡所謂度量權衡而不吾欺口蓋此地
人苦風濤之險而兩侯並顯並濟之仁瓊南之
民以兩侯爲管相而南北之濟以兩侯爲關侯

瓊州府志

卷四十三

雜志 金石

四

關侯之祠遍天下幾與學宮浮屠比而兩侯之
祠迺猥焉卑所以報之者至淺鮮矣安在其罔
怨恫神其可不恭而改建其可或緩諸或曰極
治之國其神不靈爲政者將汎掃夷孽靖恬海
氛口民不祈而得其所欲不禳而除其所患烏
乎有冀於神是不其然夫飲水者知源饗利者
思報農之報德也以口魚口豈謂吾儕食而口
膺懲捍卹之德而其報顧後於農與豺獾鄉者
黎政交惡中國之福而好事者非口口南之地
如甌脫而鮫棺綃宮不熄滅者哉余故表而記
之以動瓊人崇德報功之思且識主上華夷率

俾幽明咸熙之治云共成其事者並書於左
瑞雲橋碑銘

在郡城南門外即南橋也銘云維橋之南山房
水渦堯自趙宋長虹臥波地震傾圯年所歷多
歐陽郡侯步禱經過諭募修築鞭石填河告竣
不日輿徒式歌昭哉明德千載不磨凡七行行
八字下刻同修姓名惟知府歐陽燦通判何夢
騮數字尚明

王尚書生祠碑記

在定安縣城中翰林曾朝節撰文

見藝文

按瓊喜雨碑記

瓊州府志

卷四三

雜志

金石

聖

在郡城內東坡庵昔崇禎十二年歲次己卯夏
吉旦欽差巡按廣東監察御史李雲鴻記

俱同上

銅鼓

永樂中萬州土官王惠起黎兵挖引多輝溪水
得一鼓長二天面圍五尺凸二寸許沿邊皆蚪
蚪各銜線抵臍束腰麥尾若今之杖鼓擊之聲
如鵝鵲聞數十里凡鼓形聲未有如其怪遠者
阮通志

府學官銅鼓

其製若圓墩而空其下高尺有四寸四圍八尺
六寸兩旁綴耳高可二寸滿鼓回字花紋極工

繳面平周銜線抵臍凡八圍每圍線三條身凡二十一圍每圍如面之線採訪冊

天寧寺銅鼓

欵云大明成化十二年廣州府番禺縣客人李福通鑄造

昌化縣銅鼓

明天啟五年邑人獲之藏峻靈王廟中面圍二尺六寸中空旁綴兩耳面有蛙凡四通體厚二分其色白惟臍間缺損擊不成聲

感恩縣銅鼓

在真武廟中 國朝嘉慶二十五年西郊河畔

農民墾土得之鼓高一尺八寸圍二尺有八寸面有四蛙左右各綴耳如環周身線紋細緻斑駁陸離擊之其聲藪藪俱同上